



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

II. Georg. Joseph. Camel. *De Plantis Philippen-
sibus Scandentibus* ; Pars 2da. Ad Jacobum Peti-
ver, S. R. S. nuper transmissa.

Sect. V. *De Scandentibus Folliculoso-Siliquosis.*

61. **A** Pocynum LUZONIS 1, seu Antipolanum. *Indis*
Balana. Fructum fert formæ & magnitudinis
habitiore *Manga*, spithameum, viridem, copiosissimè lactes-
centem, lacte candidissimo, spisso, nec viscoso. *Semen*
compressum, magnitudine unguis digiti indicis, creber-
rimum, in oblongum glomum imbricatum congestum, fla-
vescens, & unciâ longioribus, argenteis, & sericeis cau-
datum floccellis. Ex altissima dejectum arbore habui
Fructum. *Florem & Folia* observare non licuit.

62. Apocynum LUZON. alterum. *Indis Tugtungajas*,
i. e. *Viperinum*, eò quod eo Serpentes virides specialiter
gaudeant; *Folia* gerit sibi opposita, ferme palmaria, similia
folijs *Hingio*; *Fructum* orbicularem *Aurantio* parem latere
uno fere digitum latâ cristâ alatum, ex viridi & albo
variegatum, edulem cum tener, uniforem ubi cristatus,
qui glomum continet *Seminis*, similis semini *Balana* super
spongiosam matricem conglobati, in aurâ avolantis.

63. Apocynum LUZON. 3. Maycatense, *Viticulis* scan-
dit creberrimis, vietis, geniculatis, lactescentibus. *Folia*
promit *Hingio* similia, *Tugtungajas* majora, ex viridi
pallentia, *Florem* frequentem, pentapetalum, radiatim in
binum corymbum, seu umbellam congestum, graveolen-
tem, flaventem. *Fructum* quadrangularem, tetraforem,
viridem, spithameum, in macronem desinentem, conti-
nentem

nentem *Semen* squammatim congestum, latiusculum, simile *Semini Balana*, sed protensioribus, argenteis, & papposis filamentis, *Cometa* adinstar caudatum.

Fig. 64. Apocynum LUZON. 4. Maragondonense. *Indis* Dugtungajhas i. e. *Colubrinum*. Hispan. *Palo consuelda de la culebra*, alijs *Palo de la cabeza*. Minimè autem *Ligni Colubri* nomen adeptum est, quod Viperarum succurrat moribus ut *Manungal*, sed quod Serpentes vulneratos hujus Plantæ folijs sibi mederi observatum fuerit, unde *Indi* edocti, & folijs & lignosorum firmentorum, quæ fere brachialia, scobe, ad conglutinanda vulnera recentia prosperime utuntur. Hujusconvolvuli lignosi, farmenti materie albet, porosa est & spongiosa, levis & insipida. *Cortex* crassus, striatus, fissuris plurimis diductus, saporis subadstringentis, *Liber* interior tenax & corticosus. *Folia* sibi opposita; villosa, *Laurinis* latiora; *Radix* subdulcis: *Follicosi* fructus ex subrotundo ventre in teretem & ferme spithameum abeunt mucronem, *Semine* referti mediocri, ut reliquæ *Apocynorum* species.

Fig. 65. Apocynum LUZON. 5. *Taytayense*. *Indis* *Hingiguag*, i. e. *Hingi Corvinum*. Pro *Flore* dat candidas stellas, odoris *Jasmini*, in ramusculorum summitatibus exeuntes, quibus succedunt *Siliquæ* compressæ, scabie variegata, digito auriculari tenuiores, sed sæpius pedes duos longiores, pullæ, & semine pappo coronato repletæ: *Folia* pulchella, latè virentia, sena communiter uno in ramusculo. Ipsa planta fruticosa est, longis flexibilibus, & lacte glutinoso scatentibus virgultis scandens, & alijs supersterini gaudens.

66. Apocynum LUZON. 6. seu *Hingiguag* Antipolanum. *Folia* communiter 4, opacè virentia, palmum longa, sesquiunciam lata, uno gerit in ramusculo, ex quorum apicibus ex frequentibus ramulis, creberrimi *Flores* in *Siliquas* 12 aut 15 spithameis, senis aut pluribus orbicularibus ventribus gratiosè extuberantes, abeuntes: *Semen* parvum, appenso pappo ut quinti. Tota *Planta* uberrimè viscosa gaudet lacte.

67. Apo-

67. Apocynum LUZON. 7. seu *Piscatorium* fluvij *Manilensis* 1. *Gratiosa* & scandens est Planta, *Folia* emittit bina ac bina, uno longiori inhaerentia pediculo, rarò palmum longa, communiter uncialia & sesquiuncialia, nigro virentia, tersa, quæ masticata primùm adversi sunt saporis, mox fauces potenter acredine vellicant. Contusa cum alijs piscationi deserviunt medicæ. Ex medio connexionis foliorum, flagellum in summo trifidum, in foliola minima abiens procedit. Ad apices verò, uti & ad foliorum alas plures proveniunt *Flosculi*, qui ex 12 viridibus, crassis, teretibus seu cylindricis componuntur *foliolis*, quorum umbilicum, flavescentis globulus, ex minimis compilatus staminibus, occupat; *flosculi Rosarum* mixtum *Cinamomi* suavissime respirant odorem. *Siliquæ* pusillæ ex tereti mucronatæ, uniforesh 12 aut pauciores in unum quasi congesti corymbum, *Semen* habentes parvum, oblongum. Provenit ubertim ad fluvij *Manilensis* ripas a Horto D. *Quintero villa S. Petri* usque. *Indi* *Itmoitmohan* vocant. *Folij* contusis utiliter perfricant *Lepam Cascado*; succus illitus tumefacit.

Fig. 68. Apocynum LUZON. 8. seu *Malatense*. *Folia* Fig. habet sibi opposita, sesquiunciam longiora, ex rotundo oblonga, atrè virentia, in vietis & teretibus viticulis: *Florum* muscosorum, ramosi & spithamei racemi una cum cauliculis ex atro purpurei sunt. *Seminis Siliquæ* sesquiunciales, vix calamus scriptorium crassæ, virides, ex tereti mucronatæ. *Semen* parvum, latiusculum, niveam comatum cæsarie.

69. Apocynum LUZON. 9. *Viticulis* attollitur scandendo teretibus copiosè lactescentibus & helvâ lanugine pubescentibus. *Folium* est hederaceum, amplius palmo unò, longum sesquipalmum, sibi oppositum, per palmaria intervalla exiens, subasperum: *Flos* parvus, pentapetalus, phæniceus, racematim coherens. *Fructus* bini, ac bini, fere sesquipal mares, calamus Anserinum crassi, uniforesh, & sub-
hirsuti

hirsuti lobuli. *Semen* longiusculum, comatum floccellis ut reliquorum.

Fig. 70. Apocynum LUZON. 10. *Indis* Dugtungafas ut 2 & 4. *Folia* promit per sesquipalmaria intervalla bijuga, unâ cum pediculo spithamea, palmo latiora, glabra, & crassiuscula. *Flos* congeritur ad foliorum genicula ter trinus, aut crebrior, parvus, viridis, stellatus, cui seminis succrescunt *Siliquæ* palmares, aut longiores, quasi ex binis calamo scriptorio crassis in unam coalescentes, seu in ipsa conjunctura carinatae & fissiles. *Semen* viride, longiusculum, compressum, argenteo caudatum pappo.

Fig. 71. Apocynum LUZON. 11. *seu* Silanense. *Cauliculis* scandit rotundis; *Folijis* luxuriat pulchris, sibi ex adverso provenientihus, succosis crassioribus, nervis ceu altius prostantibus porcis concinnè exaratis, mucronatis, bipalmum longis, palmum latis. *Flos* ad foliorum exiens sinus, in longiori pediculo, duodenus, in corymbum dispositus, & majusculus, estque monopetalus ceu campana, flavescens infernè ad plicas purpurascens, cujus labia quinis fissuris hiatibus, in unum interim coactis, aut coalescentibus superne marginibus. *Fructum* non observavi, *Lanigerum* suppono.

Fig. 72. Apocynum LUZON. 12. Macatense. *Folia* communiter 4 in uno ramusculo, ex quorum apice *Flores* 5 aut 7. albi, stellati, mediocres, ad medium ut *Flores Borraginis* nigris staminibus umbilicati.

Fig. 73. Apocynum LUZON. 13. *Indis* *Tibalan* seu *Piscatorium* secundum. Scandens est Planta & lactescens, ut reliquæ. *Folia* mittit communiter 9 uno in ramusculo, & hæc fere spithamea, uncias 2 lata, in mucrone desinentia & nervis a medio in marginem rectè excurrentibus, & è regione oppositis exarata. Lenta, tractu contumacia, & lactescencia sarmenta, piscationi deserviunt medicæ, cum folijs *septimi, Camæse,* & *Lactang fructu, Banulad, Burao, Tigao, Table* & *Culifao,* &c. *Tibalan* vel *Tabal* lac venenatorum animalium moribus medetur.

74. Apo-

74. Apocynum LUZON. 14. Indis *Hingi, Hingib* & Fig. *Hingio*. Est unum ex magis usualibus *Ligustris*, cujus lenta, vieta & fractu resistentia sarmenta ad quævis occurrentia liganda deserviunt. Volubilis est Planta, scandens, lactescens, magna, folio sibi opposito, sesquipalmari, palmaris latitudinis, simili *Asclepiadis* folio. Pro *Fructu* siliquæ lanigeræ.

75. Apocynum LUZON. 15. Seu *Ligustrum Indorum* è celebrioribus 2, est *Bagungbung*, Calvigenibus *Bacungbacung*, alijs *Hacnaiag*: Hujus *Sarmenta* precipuè expetuntur & adhibentur ad anfractuosas, & labyrinthæas sepes, ex *Cannis* paratas, deligandas, quoniam submarina quasi perennant, quas per maris littoralia longius excurrentes disponunt ad *Pisces* fallendos. *Lac* internè exhibitum prægnantibus Abortum causat. *Ligustris* adnumera & *Camagfa, Togtalag, & Sagacag*.

76. *Tubre, Tugle*, vel *Tugli* aut *Tuble*, alijs *Cassli* Boholais scilicet, Tanaguanensibus *Topoc*. Ni fallor species est *Apocyni*, pro *Fructu* etenim mittit *Siliquas*, semine sericeâ lanugine impletas. *Volubilis* est lactescens, piscationi deserviens medicæ, suâ acrimoniâ molestat ut *Radix* *Camæsæ, Euphorbij* scilicet modo: *Lac* Oculis inspersum excæcat. *Byssiarum* Indi *Sarmenta*, quæ fere sunt brachialia, suo adjiciunt oleo Polycresto, *Haplas*.

77. *Tubre* vel *Tugle* altera. *Folia* fert composita, com-Fig. muniter ex alijs 7, alternè provenientia: Particularia verò conjugatim, claudente septimo seriem, sunt autem sesquiunciam lata, palmum, sesquipalmum, & amplius longa.

78. *Tugituguan* deobstruens est, & insignis vulneraria.

79. Apocynum LUZON. 17. Seu *Arboribus* tantum in-Fig. nascens 1. Indis Capalcapal. *Visci* modo *Cannis*, & *Arboribus* vetustioribus, aut putridis innasci solet. *Folia* communiter habet palmaria, digitum lata, obtusa, crassa ut *Sempervivum*, & his crassiora, lævia, & copiosè lactescentia, ex opposito exeuntia, in teretibus viticulis, imo nonnunquam in plantâ luxuriante vitiosè folia palmum unum, aut sesquipalmum lata, & spithamâ magis, aut minus longa. *Flosculus* binus ac binus exit ad foliorum angulos, pusillus,

& candidus. *Semen* parvum plumosâ caesarie ornatum, in trigonis & folliculosi filiquis.

80. *Apocynum* LUZON. 18. seu *Arboribus* innascens alterum. s. *Antipolanum*. *Folia* exerit unâ cum pediculo spirhamæa, uncias trinas lata, crassiuscula, 4 fere uno in ramulo, lactescentia. Planta tota lactescit, nec scandit ut reliquæ *Apocyni* species, sed quasi arboribus inserta, in aliquot abit ramos, quorum apices in florigeram definunt umbellam ex 11 pluribus aut paucioribus flosculis constantem, qui formæ florum *Borraginis* sunt, candidæ scilicet & pentapetalæ stellulæ, pallido limitatæ auro, uti & hamatâ umbicatæ coronâ. *Fructum* non vidi.

Fig. 81. *Apocynum* LUZON. 19. seu *Arboribus* innascens 3. Variè serpendo per arborum caudices, *radices* iisdem inferas agit sat crassas, & lignosas. *Folia* formæ foliorum *Phyllidis*, crassa, exsucca, terfa, nervis carentia, excepto medium secante. *Flos* ex tubulo pentapetalus, coloris cinnabarini, in gratiosam congestus umbellam, trinus semper ex uno pendet calyculo, & crocatis staminibus repletur.

Fig. 82. *Apocynum* LUZON. 20. *Ligustri* loco deservit *Indis*. *Folium* subrotundum, hederaceum, succosum, suave, conjugatum, splendens. *Flos* frequens in umbellâ, virens, pentapetalus, rotundifolius, inodorus. *Sarmenta* tenacissima & lenta.

Sect. VI. Scandentes *Baccifera* folio *bijugo*.

Fig. 83. *Periploca* 1. legitima & usualis. *Candotay* vel *Candotan Indis*. Yerba del pedo & Yerba de la mierda *Hispanis*. Rependo & scandendo quæque vicina amplectitur, quibus sese involvendo arctissimè innæctitur. *Folia* habet *Asclepiadis*, e regione opposita, palmaria, non lactescunt. *Flores*, in 4 e foliorum geniculis prodeuntibus, semper ter trinè ramosis & longioribus pediculis; creberrimi, gratiosissimi, ex niveo purpurascens, campanulati, c. oris crenatis, racematim congeruntur, quibus *Fructus* orbiculares, primum virides, maturi rubentes, coronati, *Piso* compares succ-

succedunt, *semine* referti. *Folia* stercus foetidissimum olent, hinc *Stercerariam* vocant. Decoctum laudatur in *Urinae* retentione, Vertigine, Febribus, & ad casum ex alto, ad dissolvendos scilicet sanguinis concreti grumos, potum: Alij in enemate ad flatus discutiendos commendant. Alij in *Urinae* retentione exinde balnea parant vaporosa, magma pubi imponendo. *Wilhelmus ten Rhyne* *Folia Stercoriaria* & *Foelo do Peto* vocat, & ad Leptam commendat.

84. *Periploca* seu *Candotay* altera. *Folij* gaudet subrotundis, bijugis, palmaribus: *Flores* albi, stellati, in ramosa, seu semper in binos subdivisa ramulos, quasi umbellâ. *Fructus* est bacca, mucronata, *Piso* suppar, 5 folio caliculo.

85. *Periploca* s. *Candotay* 3. *Lianensis*. *Volvulus* est lactescens, folij sociati, angusti, sesquipalmaris, unciam lati, crassiusculi, & subhirsuti. *Vitacula* compressa sunt, striata, vieta, subhirsuta. *Ufus* foliorum ad flatus pellendos.

86. *Periploca* s. *Candotay* 4. Similis est 3, sed folio hederaceo, palmum lato, & sesquipalmum longo, ex adverso appenso. *Radice* exigua, glumosa, s. grumosa, inæquali, & verrucosa, ut *Radix Scrophulariæ*.

87. *Coliyat*. *Volvulus* est maximus, *Prunifer*; *Folia* ferens, sibi opposita, spirhamæ, ferme sesquipalmum lata. *Fructum* promit copiosissimum, in maximis racemis, binum ac binum ab uno pediculo hærentem, magnitudinis ovi *Columbini*, aut majorem, ex flavo rubentem, carnosum, continentem nucleum formæ & magnitudinis glandis *Quercinæ*, edulem, saporis *Castaneæ*, si igne coctus fuerit. Abundat in montibus *Antipolo* & *Paynam*.

88. *Smilax* LUZON. asper major, *Indis* Malaitmo. *Convolvulus* est magnus, folio rigido, nervoso, & *Malabathri* folio majori, trinervio, & sociato. *Fructus* sunt acini, *Ceraso* majores, lutei, carnosi, amari, & in botrum congesti, continentes binos, compressos, corneos, amaricantes, & asperâ ac albâ cuticulâ interfectos arillos.

89. *Smilax* LUZON. asper alter. *Manambuc*, *Panam. boc*, & *Yspassin* Indis. *Volvulus* est cujus *Sarmenta* trium sunt unciarum in diametro communiter, verò ferme verrucosa sunt, & crassa, ut *Macabuhay*, & similiter senectas deponunt, & exeunt Serpentum modo, ut illius. *Folium* nonnisi probè mastigatum, leviter morficat, hederaceum est, *Betele* folio fere simile, sed tenerum, & molle, alternè exiens, trinervium; *Fructus* sunt oblongi, *Avellanâ* minores, virides, mox lutei, tandem corallini acini, in racemum coherentes, & bini, aut trini ex uno pediculo: *Mucagine*, & unico, duriusculo, aspero, cujus medulla amara est, *officulo* referti. *Flos* albus est, parvus, tripetalus in triungui calyce. *Radix* de foris flavescit, cortice est crasso, & carnoso, ut *Zarzaparilla*, & ut hæc longissimè prorepat, crassa digitum, recenter eruta, & degustata ex levi amaritudine dulcescit, mox acredine molestat.

SECT. VII. Scandentes *Baccifera* trifoliæ.

90. *Clematis* trifolia vulgaris. *Calitcalit*, *Gavilan* & *Panopol* Indis. *Folio* crenato, obscurè virenti, & parte alterâ subhirsuto, & communiter trino alternè e viticulis prodeunte, vicinis superinstititur, & irretitur. *Flores* quadrifolij sunt, & herbacei. Quibus *Baccæ* primùm virides, mox nigræ, succo morello plenæ, trinæ, ac trinæ coherendo in corymbum succedunt. *Vulneraria*, & consolidans est, cujus folijs contusis, & sub cinere coctis, succoque expresso, vulgus, & ad emollienda *Ulceræ*, & ad mundificanda & consolidanda rupta, & fracta, extirpandas *Lichenes*, & detergendam *Scabiem* utitur.

Fig.

91. *Clematis* incana. *Calitcalit maybula* Indis. Similis est vulgari, sed ad tactum tota suavis, ob molliusculum pilum, quo tota planta incanescit.

92. *Clematis* monstruosa, seu *Calitcalit* maxima. *Folia* gerit heptaphylla, glabra, & lætè virentia, majora quam sint *Clematidis acetosæ*: *Flagella sesquicubitalia*; *Sarmenta Viti Vinifera* similia, brachium crassa; *Acinos* in corymbo, ut *Clematis vulgaris*.

93. *Oxyplematis*

93. *Oxyclematis trifolia*. *Calitcalit masuca*, *Aiyo* Indis. Fig. Similis est priori, sed *folijs* majoribus, quæ & pentaphylla evadunt, profundius incis, copiosiori, & acetofo succo turgentibus, ad quorum nexus longiores protuberant *capreoli*, quibus fulcitur sese innectendo. *Flores* quasi in umbellâ, flavescentes, tetra-aut pentapetali, quorum umbilicum calyculus ventricosus occupat. *Flores* in acinos abeunt, ut prioris, sed majores. Planta vulneraria est & febrifuga.

94. *Clematis LUZON*. 3. seu Major, sive *Vitis sylvestris*. Fig. Indis Bica & Malauva. *Planta* est scandens, trifolia, in quibusdam *Viti Sylvestri vinifera* similis, pilosa. *Folia* subrotunde crenata, sesqui palmum & longa & lata. *Botros* fert Magnos, *acinos* habiliores, asperos, subdulces, nigros aut etiam incarnatos ut *Silanij* vidi, foetentes.

Sect. VIII. Scandentes *Baccifera*, folio alterno.

95. *Vitis Sylvestris LUZON*. altera. *Bulacan* s. *Buracan limbabon*, i. e. folij rubri *Guiganensibus*. an *Altragera* Theophrasti? *Volubilis*, scandens, & lactescens est planta, inter saxa ad fluviorum Margines provenire gaudens. *Sarmentis* est viticis, rubris, quandoque dodrantem crassis, *Foliis* *Vitis* vix non similibus, infernè subhirsutis. Utuntur ex reciso longiori sarmento, aquoso, & insipido lacte, ad 34 pro dosi propinando, quod suavissimè & sine ullâ molestia alvum subducit. Alij nihilominus alvum potenter deturbare ferunt, unde in colicâ, & animalium venenatorum moribus commendant, imo & in paucâ quantitate exhibitum abortum causare, & foetum mortuum expellere affirmant. An *Bexucus Pernanus* purgans *Godofredi le Brun*? quem *C. Clusius* *Atrageræ Theophrasti* sarmenta esse suspicatur.

96. *Bulacan foliorum viridium*, ob vehementiam quâ operatur in usum non venit; hujus ni fallor erunt effectus, foetum pellere, & alia, quæ supra.

97. *Vitis LUZON*. sylv. 3. *Ottoniensis*, Spontanea est Fig. & *Corinthiæ* æmula. *Pampini* vix palmares, trilobati, *flosculi*.

flosculi herbacèes, pentapetali, *Uva* ut *Corinthiaca*, in parvis racemis quasi in umbellâ.

Fig.

98. *Alanguilang scandens*, seu *Hinlalagac*. *Voluntus* est *fructus* Rosei, acido-dulcis, tantillum pilosi, racemo appensi. *Mariquina* exit.

Fig.

99. *Vitis Ulceraria*, Alexandri. *Planta* est scandens: *Folia* hederacea, trinervia, crenata, splendicantia, sequi-palmaria, quæ degustata quidamiam acidi sapiunt, mox fauces morficando vehementer exasperant. *Flores* parvi, albi, tetrapetali. *Bacca* Magnitudinis Piperis & majores, in acumen abientes, ex adverso foliorum racematim propendent. Magni æstimant hanc plantam *Indi*, qui foliis contusis emplastri modo in Ulceribus putridis, antiquis, manantibus, sordidis, schirrhosis, callosis, fistulosis & cancris utuntur, præcipuè verò in Ulceribus faucium in collutione. Abscessus præterea, & Apostemata emollit, & rumpit, ut *Alypaiong*.

Fig.

100. *Viticella*, Balagundugut *Indorum*. Perpusillus, elegans, & gratiosissimus est *Voluntus*; folia incana, quinque-nervia, alterna, corda effingentia; *Flosculi* minimi, albidii, muscosi, quasi in corymbum coeunt; *Bacca* lætè rubentes, qualia *Sardois* hærent *Corallia* saxi, piso minores, foliorum congeriei imbricatim immixtæ, pulchellos concinnant racemulos.

Fig.

101. *Malabanag*. *Scandens* est *Planta*, habens *folia*, 5 nervia, alterna, similia *Banag*, i. e. *Pseudochinæ*, ex adverso foliorum umbellæ *Florum*, inodorum, ex viridi flavescens, hexaphyllorum, quibus *Bacca* rubræ, parvæ, inspidæ, lento glutine turgidæ, Piperi pares succedunt. *Semen* parvus est *Phaseolus*.

Fig.

102. *Coccus volubilis*, *Indis* Lobato, Libato, & Bredotali: *Hortensis* & duplex montanus, *Naicensis* & *Maislanus*. *Hortensis* *Planta* est scandens, succosa, vesca, tenera, amans umbrosa & uda. *Viticuli* crassii, teretes. *Folia* carnosa, ampla, fere sphaerica, in mucronem vergentia, flavescens, teresa, & nervis expertia, alternè appensa. In summitatibus ramusculorum e regione foliorum unciales, aut sesquiunciales

giales racemuli, sessilibus, coccineis, piso paribus, succoque chermesino exuberantibus *baccis* onusti, saporis nullius manifesti. *Semen* orbiculare Coriandro minus. *Flosculi* calyculati, erubescences. *Radix* coloris nativi, succosa, nodosa, verrucosa, & *scrophularia* modo multifarie inæqualis, & divaricata. Succum *Indi* ad caloris æstum in Febribus attemperandum propinant. Vescuntur folijs decoctis, & in acetarijs crudis. Ex *Baccis* syrupum paravi coloris coccinei, ad Julepos Febricitantium pulchro imbuendos colore perutilem.

103. *Coccus volubilis sylvestris*. Pariter edulis est; *Folia* tenera, succulenta ut *Portulacæ*, terfa, priori majora, ex atro virentia. *Folia* suppurationem adjuvant adimposita; Decoctum alvum emollet.

104. *Cubebæ Officinarum*. Plantam *Indi* Naple, Dalihupa & Buyonibun, i. e. *Betele Corvinum*, vocant. Hæc non ut *Betele* seu *Itmo*, *Mala-Itmo*, *Litlit* ac *Sabia* alijs inhærendo scandit, sed vicinis sese acclinando, ac superinfernendo luxuriat, estque Planta amans umbrosa, crebrè ramosa, ramis solidiusculis, geniculatis nec vietis, ut reliquæ *Piperis* species, folijs obscurè virentibus, parvis communiter, sesquiuncialibus, quinis fulcitis nervis, aromaticis. *Fructus* qui racematim propendet, maturus coloris est incarnati, *Semen* habens album, orbiculare, acriusculè, aromaticum. Hæ *Bacca* cum *Clusij* descriptione collatæ, legitime sunt *Cubebæ Officinarum*. Racemuli sunt sesquipalmæres.

105. *Piper nigrum*. *Hederæ* modo arboribus irrependo, & geniculis Sarmentorum (quæ brachio crassiora) radículas emittendo, & specialiter Arbori *Daplas* (ob molliusculum & succosum corticem) innasei gaudet & vitiosè luxuriat. Crescit in *Leyte*, *Ottom*, *Panay* & *Mindanao*. *Fructus* in racemis, acini maturi rubent. *Piper nigrum* sunt acini virides collecti: *Album* sunt acini maturi collecti, sed unius plantæ fructus.